

民國文獻類編

經濟卷

460

民國時期文獻保護中心
中國社會科學院近代史研究所
編

國民
文獻
類編

國家圖書館出版社

民國文獻類編

經濟卷
460

民國時期文獻保護中心
中國社會科學院近代史研究所
編

Z812.6
10/460

國家圖書館出版社

dw17381/06

山東展覽會報告編輯處 編

山東第一次物品展覽會審查
報告書(一)

山東展覽會報告編輯處，一九一五年出版

第四六〇冊目錄

山東第一次物品展覽會審查報告書(一)	山東展覽會報告編輯處編	山東展覽會
報告編輯處,一九一五年出版		

山東第一次物品
展覽會審查報
告書

山東物品展覽會報告書敘

山東分古兗青徐豫四州之地而建行省黃河流域之中樞也禹貢四州方物凡草木漆絲織文纖縞纈縠絲紵臬鹽絺鉛松怪石磬錯海物蠙珠暨魚今山東殆兼有之山則巖巖泰岱實鎮東方自昔周時山陰爲齊山陽爲魯史記傳貨殖稱齊襟帶山海膏壤千里宜桑麻人民多文綵布帛魚鹽俗寬緩闊達而足智魯濱洙泗有桑麻之業無林澤之饒俗儉嗇愛財趨商賈司馬氏又言齊地瀉鹵人民寡太公於是勸其女工極技巧通魚鹽故人物歸之繼至而輻湊魯有周公遺風好儒備於禮而其民齷齪齊魯壤相錯乃民俗不同如此此豈非開國之始政教號令各有其精神之所至淬厲而琢磨之之效歟范蠡適齊之陶因地而致富程鄭刁間並著猗頓則魯之窮士用塩鹽起所居皆今山東地而其人能奮於業如此

又豈非風俗之所漸被使然今國中蓋哆然患貧矣又漸寤貧之故不在農而在工於是清之末造有南洋勸業會之設萃各行省農工之所出而比物之民國肇造之三年各行省又以將預美巴拿馬賽會而設物品展覽會南洋之會走預其審查而物品之會走以承乏農商洎觀焉前後四五年間山東農工之技智駸乎進矣而成是會者之條理當而用度省尤他省所不逮意者太公周公之遺風其猶未盡沫歟夫一國山海陂澤田野之地變易而日有增卽山海陂澤田野所產之物繁孳而不爲殺而禹貢所謂草木漆絲織文織縞繡絲紵臬鹽絺鉛怪石磬錯海物蠙珠之屬太公所爲女工之巧管子所爲綺繡純麗之工昔以冠帶衣履中國之天下而有餘者今以驟於世界之一國而猶不足世變之來巧歷不能測生太公管子於今其於工作智巧之勸其必異於昔所云云可知也而况

時非宗周秉政之才遠不逮於太公管子奈何其囿於智而怠於進取也
其有幸乎 走 嘗於車中觀泰岱間之農矣梯山爲田寸度而尺壘竊嘆其
勤而物品會所列又能進於巧而翹於市以爲可與圖國際農工之競者
必山東之民願山東之民毋自薄也潘君心杭監督是會者年方盛優於
條理山東之民之英也其不甘自薄又可知 走 老矣輒因潘君之請序更
進而爲之勛民國四年九月張謇



山東物品展覽會報告書序

山東物品展覽會為同里潘君勗暨航長實
業司時倡辦斯舉會事既畢乃謀刊報告
書以問於世書成徵言於余余維太史公作
貨殖傳舉海內物產羅列於篇嘗惜當
時未利交通猶規舊步不能使天然人力各
品薈萃一區以為競勝觀摩之助況馬班以
後貨殖已無繼起凡農工商虞之業亦任其

自消自長而已此數千年來中國所以日幾
於貧歟吾觀歐美各國實業一端政府提倡
於上人民奮興於下研究發明不遺餘力以謀
國產之消運藝術之精良開會比賽時有
所聞富國富民胥賴於是而吾中國幅幘如
此其廣也氣候如此其和也物力如此其厚也
人之聰明才力如此其優美也天時地利人才
未嘗獨薄於中國而顧不能與海外羣雄一

爭富強之席豈不以自漢以來務本賤末之說
相襲成風遂專恃農業以立國工商之事卑
而弗講然貴粟力田雖多明詔而屯墾之策
亦鮮良善之規模惟聽蚩蚩者試自耕自穫
計時納稅即農業亦不足言故謂三代以後無
實業之政策可也夫司市考工諸法非姬公治
周之法歟群聚州處之制非管仲治齊之制歟
奈何學士大夫高譚王治於古人治平之術不

少留意家有百畝子弟即不屑力農囊積千
金家世即恥言服賈故爲官爲吏爲軍爲警
爲士爲紳爲幕爲隸爲釋爲優爲游民志皆
饑食寒衣以待養於人而治力以養人者蓋爲
數寡而自給亦薄韓子所謂農之家一而食
粟之家六工之家一而用器之家六今視乎昔其
弊不止倍蓰名宦碩儒歷史稱美才識之士莫
不趨之而實業大家寡無所表見此亦可爲

太息者也是以獎進異產誘振美術在歐美
居要政者在吾國居創聞南洋賽會數千率
而一見自此以還亦難強起此在閉關之時猶可
敷衍為治今陸洋交通物藝相競憂貧患弱
理有固然如吾國磁業風行中外今反居外貨
所奪江皖絲茶向供列國所需今亦出口日少長
此以往患豈有極所可幸者近時悚於生死利
害悵然思返於墾牧紡織製造各業無思研

求而振興之此固實業發展之機緘也他省勿
論論吾山東魚鹽蠶桑載籍稱述粵稽古昔
蔚然富庶之區時勢維遷都會未改興利除
弊存乎其人如今長山之綢緞數十種棲霞之
衣飾百餘種萊蕪之錫四二十餘種掖之草繅
九十餘種濰之刺繡嵌銀仿古銅鉄各物品皆
精巧不可狀而鑛質魚業尤甲海內以此觀之
天然人力非不可恃就百物之豐盈藝事之

良楷群相攷鏡以求益精不難與歐美而爭
一臂之長此固於展覽會而深企望於報告書
而待研究者也世有銳意實業者乎則是編
未可作高閣之束矣

中華民國四年九月靳雲鵬序